

Children Calypso lo ta dia 5 di Februari den Joe Laveist

Stichting Arubaanse Carnaval a programá e actividad di Children Calypso & Roadmarch pa dia 1 di Februari. E fecha aki a wordo cambiá y awor e contest aki lo tuma lugar Diahuebs 5 di Februari den Joe Laveist Sport Park cumisando pa 6'or di atardi.

Pa e competencia aki, SAC y Alegria y Fantasia ta hopi contento di bisa cu un cantidad grandi di hoben a inscribi tanto pa e categoría infantil como tambe esun hubenil.

Participantenan den e seccion infantil ta:

Linoy Croes - Kid Explosion
Otami Thomasia - Princess Otami
Nailah Bayne - Sincerity
Wesley Willems - Mighty Wesley
Quincy Hasham - Big Q
Claudius Phillips Jr. - Mighty C.A.P.
Carl Roosberg Jr. - Galloway Jr.
Francella Jacobs - Queen Francella

Participantenan pa e seccion hubenil ta:

Alexander James - King Bottle
Analia Rasmijn - Queen Analia
Tavis Nedd - Mighty Smily
Brainer Cannegieter - Mighty Douglas
Reginald Wilson - Mr. Eraser
Josey Kock - Singing Show
Catharina de Graf - Flashing Luz
Hamilton Soliana - King Voodoo
Glenn Viapree - Mighty Tight Tongue



Disfrazá den fantasia di Hercules di BNA

Biblioteca Nacional di Aruba tambe ta presente den Carnaval 44. E aña aki Biblioteca Nacional tambe lo participá den parada di hende grandi na San Nicolas cu e tema 'Fantasia di e temporada di e héroe Hercules'.

Nos tur conocé e personahé di Hercules como un héroe of Dios griego di increíble forza.

E figuranan cu ta rond di Hercules ta duna hopi bunita diseñonan di paña.

E suma pa participá ta hopi atractivo na 100 Florin pa adulto y 50 Florin pa mucha. Esaki lo inclui bebida, snacks y música di 'The Original Band'.

Esnan cu ta deseá di haya mas informacion of skirbi nan number pa participá, por yama 821540 y puntra pa Pedro Dirksz of Lenchi Lopez.



Nuebe aña di historia di Coastal Carnival Group

Promé cu aña 1990 ora cu Coastal Carnival Group a nace, e mesun grupo aki tabata hiba e number di Esso, cual grupo semper tabata bon representá y na varios ocasion a sali Grupo Di Aña.

Na 1990 Coastal a presentá cu e grupo comercial Coastal cu e banda musical Papito y su Doble Sabor y Gwendoline Kwidama como e promé Reina di Coastal, kende a sali tambe e Promé Finalista di Reina di Carnaval.

Na 1991 grupo di Coastal a keda formá y a presentá e grupo Energy Fantasy cu mas of menos 250 participante. Nan a wordo compaña pa e banda musical Pride. Reina di Coastal e aña ey tabata Adira Halley, kende a wordo coroná como Reina di Aruba su Carnaval 1991.

Na 1992 cu Grupo Beverage Fantasy, un fantasia di diferente bebida conocí riba nos isla, mas of menos 350 participante a compaña Coastal cu e música di Pride y Roos di St. Maarten. Tarin Farro tabata representante di Coastal y Promé Finalista di Reina di Carnaval.

Na 1993 Grupo Flor y Mundo di Insecto, tabata un fantasia di flora y fauna den cual mas of menos 450 participante a baila cu Super Orquesta Qua-Si y Dushi Band. Rachel Kraayvanger tabata Reina di Coastal y a wordo eligí Reina di Carnaval di Aruba. E aña aki tambe a gana e premio di Flota di Aña.

Na 1994 e tema tabata 40 Years of Carnival Music, un fantasia demostrando e mihor Roadmarch y Tumbanan di historia di Carnaval di Aruba. Aki mas of menos 550 participante a bai hunto cu Coastal bayendo tambe cu casi tur premio. Reina tabata Olivia Stamper. E banda musical tabata Super Orquesta Qua-Si, Dushi Band, Bad Boys Brass y un Steelband. E aña ey Coastal a organizá 15 actividad di Carnaval.

Na 1995 e grupo Sweetdreams and Nightmares a representá Coastal Carnival Group cu 550 participante. Coastal a bai cu Super Orquesta Qua-Si, Dushi Band y Taxx. E Reina tabata Michella Laclé y Coastal a bai cu e premio di Grupo di Aña y Grupo mas Grandi.

Na 1996 a toca e tema di Dances and Rituals of The World cu 450 participante. E bandanan musical cu a compaña e carnavalistanan di Coastal tabata Super Orquesta Qua-Si y Taxx. Pa di tres aña consecutivo a bai cu e premio di Grupo mas Grandi. E aña aki Coastal no a organizá hopi actividad di Carnaval incluyendo e eleccion di Reina.

Na 1997 tabata e aña di The Beauty of Our Nature cu mas of menos 450 participante y compaña pa e banda musical Super Orquesta Qua-Si.

Pa 1998 Coastal ta presentá e tema Papiamento, Nos Idioma como fantasia di Carnaval. Ta planeá pa bai cu casi 600 participante y e bandanan musical ta Super Orquesta Qua-Si y un otro banda mas.

